



- 1 -09- 2026

Broj: 02-04-37210-30/26
Sarajevo, 27.08.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **143.** sjednici održanoj **27.08.2026.** godine, donijela je

ZAKLJUČAK

1. Usvaja se Dvanaesta informacija Ministarstva pravde i uprave Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine.
2. Nalaže se resornim ministarstvima navedenim u Informaciji da započnu, odnosno nastave započete aktivnosti na provođenju odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine, kao i da vrše nadzor nad provođenjem preporuka iz svoje oblasti (preporuke koje se odnose na javna preduzeća, javne ustanove, upravne organizacije i druge organe javnog sektora) u cilju konačne realizacije navedenih odluka ustavnih sudova i preporuka Institucije ombudsmena za ljudska prava Bosne i Hercegovine.
3. Obavezuju se sva ministarstva da jednom mjesečno, a najkasnije do 25. u mjesecu, obavještavaju Ministarstvo pravde i uprave Kantona Sarajevo o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
4. Zadužuje se Ministarstvo pravde i uprave Kantona Sarajevo da polugodišnje informiše Vladu Kantona Sarajevo o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
5. Zadužuje se Ministarstvo pravde i uprave Kantona Sarajevo da na zvaničnoj web stranici objavi Informaciju iz tačke 1. ovog zaključka, u cilju informisanja javnosti, vodeći računa o podacima u Informaciji koji se odnose na zaštitu ličnih podataka.
6. Ovaj zaključak stupa na snagu danom donošenja.



PEČAT MINISTARSTVA
Ministrica Softić Kadenić Darja

Dostaviti:

1. Predsjedavajući Skupštine Kantona Sarajevo
2. Zamjenici predsjedavajućeg Skupštine Kantona Sarajevo

3. Premijer Kantona Sarajevo,
4. Ministarstvo pravde i uprave Kantona Sarajevo,
5. Ministarstva Kantona Sarajevo (11x),
6. Evidencija,
7. A r h i v a.



Broj: 03-04/2-04-12257-26/20

Sarajevo, 18.08.2026. godine

VLADA KANTONA SARAJEVO

PREDMET: Dvanaesta informacija o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, dostavlja se –

I – UVOD

Ministarstvo pravde i uprave od 2020. godine (kvartalno, zatim polugodišnje) informiše Vladu Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava u Bosni i Hercegovini, na osnovu zaduženja Zaključkom Vlade Kantona Sarajevo, broj: 02-04-13850-39/20 od 28.05.2020. godine.

Ministarstvo pravde i uprave Kantona Sarajevo, shodno prethodno donesenom Zaključku Vlade Kantona Sarajevo, broj: 02-04-5259-36/26 od 19.02.2026. godine, pripremilo je Dvanaestu informaciju o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine.

U navedenom Zaključku, Vlada Kantona Sarajevo je, između ostalog, obavezala sva ministarstva, da osim poduzimanja aktivnosti na provođenju postojećih odluka ustavnih sudova i preporuka Institucije ombudsmena za ljudska prava, Ministarstvu pravde i uprave Kantona Sarajevo, jednom mjesečno, a najkasnije do 25. u mjesecu, dostave obavještenja o poduzetim aktivnostima na implementaciji odluka i preporuka.

Navedenu informaciju, Ministarstvo pravde i uprave priprema shodno dostavljenim obavještenjima ministarstava o poduzetim aktivnostima na implementaciji odluka ustavnih sudova i Institucije ombudsmena za ljudska prava u Bosni i Hercegovini, koja su ministarstva dužna dostaviti shodno zaključcima Vlade Kantona Sarajevo kojim se usvajaju informacije, do 25. u mjesecu.

II – PREGLED AKTIVNOSTI NADLEŽNIH MINISTARSTAVA NA IZVRŠENJU ODLUKA USTAVNIH SUDOVA I PREPORUKA INSTITUCIJE OMBUDSMANA BIH

Od 11.02.2026. godine, odnosno od sačinjavanja Jedanaeste informacije koja je usvojena Zaključkom Vlade, broj: 02-04-5259-36/26 od 19.02.2026. godine, do izrade ove informacije

(14.07.2026. godine), informaciju o zaprimljenim odlukama i preporukama i aktivnostima na provođenju istih, dostavili su:

1. Ministarstvo unutrašnjih poslova, svojim aktima:
broj: 01-9-04-982/26 od 13.02.2026. godine;
broj: 01-9-04-982-2/26 od 13.03.2026. godine;
broj: 01-9-04-982-3/26 od 16.04.2026. godine;
broj: 01-9-04-982-4/26 od 20.05.2026. godine;
broj: 01-9-04-982-5/26 od 17.06.2026. godine.
2. Ministarstvo privrede, svojim aktom:
broj: 07-02-04-5259/26 od 13.03.2026. godine.
3. Ministarstvo za boračka pitanja, svojim aktima:
broj: 06-04-41915/25 od 04.02.2026. godine;
broj: 06-04-5259/26 od 03.03.2026. godine;
broj: 06-04-5259/26 od 02.04.2026. godine;
broj: 06-04-5259/26 od 04.05.2026. godine;
broj: 06-04-5259/25 od 10.06.2026. godine.
4. Ministarstvo za odgoj i obrazovanje, svojim aktom:
broj: 11-06-45-75-88/26 od 26.06.2026. godine.
5. Ministarstvo zdravstva, svojim aktom:
broj: 10-04-04-41915-50/25 od 26.02.2026. godine.

U nastavku je kratak osvrt na informacije dostavljene za traženi period od strane ministarstava:

1. Ministarstvo unutrašnjih poslova je u gore navedenim aktima informisalo Ministarstvo pravde i uprave, da je u periodu od 01.03.2026. godine do 31.03.2026. godine, Uprava za građanska stanja i pravne poslove Ministarstva unutrašnjih poslova Kantona Sarajevo u mjesecu martu 2026. godine, imala jedan slučaj postupanja po preporuci u vezi sa žalbom lica, broj: Ž-SA-05-1619/25 od 04.03.2026. godine, koja se odnosi na evidentiranje prestanka predmetnog vlasništva. Preporuka Institucije ombudsmena za ljudska prava BiH aktom broj: 05-1-04-9-7490/25 od 18.03.2026. godine je proslijeđena Sektoru za građanska stanja Vogošća na postupanje. Uprava policije Ministarstva unutrašnjih poslova Kantona Sarajevo, Sektor za pravne, kadrovske poslove i analitiku, Odjeljenje za pravne i kadrovske poslove, dana 06.03.2026. godine, pozivom na broj: Ž-SA-05-366/26 od 24.02.2026. godine, Instituciji ombudsmena/ombudsmana za ljudska prava Bosne i Hercegovine je dostavila izjašnjenje na žalbu [REDACTED] koji se dana 23.02.2026. godine obratio ovoj Instituciji zahtjevom za zaštitu prava zbog nezakonitog, dugotrajnog i selektivnog postupanja Uprave policije. S tim u vezi, ispred Uprave policije MUP- KS, dostavljeno je traženo izjašnjenje s posebnim osvrtom na nejednako postupanje u odnosu na kolegu [REDACTED] kao i informacije o aktivnostima poduzetim u cilju postupanja po svim zahtjevima podnositelja žalbe.

Također, Ministarstvo unutrašnjih poslova je u dostavljenim aktima navelo da je u periodu od 01.05.2026. godine do 31.05.2026. godine, Uprava policije Ministarstva unutrašnjih poslova Kantona Sarajevo, Sektor za pravne, kadrovske poslove i analitiku, Odjeljenje za

analitiku, planiranje i evidencije, zaprimilo akt broj: Ž-SA-05-730/26 od 12.05.2026.godine kojim se Institucija ombudsmena/ombudsmana za ljudska prava Bosne i Hercegovine obratila Upravi policije MUP-a Kantona Sarajevo sa zahtjevom za dostavljanje informacije u vezi sa navodima žalbe koji je kod predmetnog organa registrovan pod brojem: Ž-SA-05-730/26, a radi se o nepostupanju po molbi [REDACTED] od 26.09.2025. godine podnesene radi brisanja novčane kazne iz kaznene evidencije. Dana 25.05.2026. godine Odjeljenje za analitiku, planiranje i evidencije je dostavilo traženu informaciju i informisalo Instituciju ombudsmena/ombudsmana za ljudska prava Bosne i Hercegovine o slijedećem: da je uvidom u predmet broj: UP-I-02/5-2-03-81-1/26 utvrđeno da je na zahtjev imenovane od 26.09.2026. godine odgovoreno dana 07.01.2026. godine, te da je imenovana obavještena da se shodno članu 4. stav (1) Zakona o međunarodnoj pravnoj pomoći u krivičnim stvarima u Bosni i Hercegovini („Službeni glasnik BiH“, br. 53/09 i 58/13), korespondencija sa stranim pravosudnim organima vrši preko Ministarstva pravde Bosne i Hercegovine i da Uprava policije MUP-a Kantona Sarajevo od Ministarstva pravde Bosne i Hercegovine zaprimila podatke iz pravosnažnih sudskih presuda koje su izrekli sudovi, iste evidentira u kaznenu evidenciju i na isti način zaprima podatke o brisanju osuda iz kaznene evidencije. Također, navedena je i činjenica da je imenovana više puta i telefonski detaljno informisana o statusu predmeta i putem e-maila, te da je predmet i dalje u fazi prevoda upita Općinskog suda Karlsruhe, koji je u proceduri javne nabavke.

2. Ministarstvo privrede je u gore navedenom aktu obavijestilo Ministarstvo pravde i uprave da je za period od 02.09.2025. godine do dana sačinjavanja ovog akta, Ministarstvo privrede Kantona Sarajevo imalo određene aktivnosti na ime prigovora [REDACTED], zastupanog po punomoćniku [REDACTED], advokatu iz Sarajeva, a koji je prigovor podnesen Instituciji Ombudsmena za ljudska prava Bosne i Hercegovine, vezano za njegovu prijavu na Javni konkurs za izbor i imenovanje direktora Direkcije za turizam koji je objavljen 11.07.2025. godine. Institucija ombudsmena za ljudska prava Bosne i Hercegovine donijela je Preporuku broj: 383/25 koja je Ministarstvu privrede Kantona Sarajevo dostavljena dana 16.12.2025. godine aktom navedene Institucije ombudsmena BiH broj: Ž-SA-05-1198/25 od 17.11.2025. godine. Postupajući po navedenoj Preporuci broj: 383/25, Ministarstvo privrede Kantona Sarajevo je u skladu sa članom 32. stav (1) Zakona o ombudsmenu za ljudska prava („Službeni glasnik BiH“, broj: 19/02, 35/04, 32/06 i 61/23) Instituciji ombudsmena za ljudska prava BiH i punomoćniku [REDACTED], advokatu iz Sarajeva, uputilo Obavijest broj: 07-02-04-40484-7/25 od 29.12.2025. godine o razlozima nepreduzimanja Preporuke broj: 383/25. Ministarstvo privrede je ujedno istaklo da drugih aktivnosti koje su vezane za implementaciju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, osim pomenutih, nije bilo.
3. Ministarstvo za boračka pitanja je u gore navedenim aktima informisalo Ministarstvo pravde i uprave da u navedenom periodu za koji su dostavljali informaciju nisu imali zaprimljenih odluka ustavnih sudova i preporuka Institucije ombudsmena za ljudska prava Bosne i Hercegovine, te s tim u vezi nisu imali obavezu implementacije istih.
4. Ministarstvo za odgoj i obrazovanje je gore navedenim aktom obavijestilo Ministarstvo pravde i uprave o slijedećem: da je postupajući po aktu Kabineta premijera Kantona Sarajevo kojim je Ministarstvu za odgoj i obrazovanje Kantona Sarajevo dostavljen dopis Institucije ombudsmena za ljudska prava Bosne i Hercegovine, broj: 2-SA-04-312/25 i 2-SA-06-318/25 od 27.04.2026. godine, radi nadležnog postupanja sačinilo i dostavilo izjašnjenje Instituciji ombudsmena za ljudska prava Bosne i Hercegovine. U dostavljenom

izjašnjenju Ministarstvo je obavijestilo Instituciju ombudsmena da je, postupajući po Preporuci broj P-325/25 od 22.10.2025. godine, izvršilo izmjene Pravilnika za prijem radnika u radni odnos u osnovnim i srednjim školama kao javnim ustanovama na području Kantona Sarajevo, čime je omogućeno da kandidati koji su radni staž ostvarili u Republici Srpskoj i kandidati koji su radni staž ostvarili u Federaciji Bosne i Hercegovine radno iskustvo dokazuju pod jednakim uslovima.

5. Ministarstvo zdravstva je gore navedenim aktom informisalo Ministarstvo pravde i uprave da u svom radu nije imalo odluka Ustavnog suda Bosne i Hercegovine, Ustavnog suda Federacije Bosne i Hercegovine, niti Preporuka Institucije ombudsmena za ljudska prava Bosne i Hercegovine koje je trebalo implementirati.

U nastavku navodimo kratak osvrt na odluke i preporuke koje su bile obuhvaćene prethodnim informacijama, a u cilju kontinuiranog praćenja njihove implementacije:

1. Presuda U-7/19

Presudom U-7/19 od 19.01.2021. godine Ustavni sud Federacije Bosne i Hercegovine utvrdio je da je Kanton Sarajevo neprovođenjem odredbi člana 84. stav (8) Zakona o uređenju saobraćaja na području Kantona Sarajevo ("Službene novine Kantona Sarajevo", broj 30/17) i člana 35. stav (6) Uredbe o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18) povrijedio pravo opština Centar Sarajevo i Stari Grad Sarajevo na participaciju u raspodjeli sredstava prikupljenih po osnovu naplate parkiranja na javnim parkinzima i u javnim garažama, u zavisnosti od ukupnog broja parking mjesta na području tih opština. Sud nalaže Kantonu Sarajevo, da u roku od 60 (šezdeset) dana od dana objave ove presude u "Službenim novinama Federacije BiH", otkloni posljedice tog nečinjenja i u cijelosti provede navedene propise.

Napomena:

U Drugoj informaciji o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine (maj 2021. godine), Ministarstvo pravde i uprave je shodno obavještenju koje je dostavilo Ministarstvo saobraćaja navelo da Ministarstvo saobraćaja priprema tekst Sporazuma o raspodjeli naknade i konkretnoj strukturi ulaganja sredstava prikupljenih od naplate javnih parkinga, u skladu sa navedenom Presudom, a koji će biti dostavljen Općinama Centar i Stari Grad na usaglašavanje. U Trećoj informaciji o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine (decembar 2021. godine) navedeno je da je Općina Stari Grad Sarajevo u svom izjašnjenju navela da je Sporazum neprihvatljiv, da je isti potrebno izmijeniti tako da Općina dijeli dobit iz ukupne mase prihoda, dalje smatra nerentabilnim vršenje kontrole i naplate parkinga od strane KJKP "Rad" d.o.o. Sarajevo, te je predložila da se Općini ustupe javni parkinzi na upravljanje. Općina Centar Sarajevo je također izrazila nezadovoljstvo dostavljenim Sporazumom, te je predložila da Kanton Sarajevo izvrši usklađivanje propisa shodno članu 58. stav (2) Zakona o principima lokalne samouprave (prenos poslova i nadležnosti na općine).

Za Četvrtu informaciju (juni 2022. godine) Ministarstvo saobraćaja je obavijestilo Ministarstvo pravde i uprave da Sporazum još uvijek nije potpisan.

Ministarstvo saobraćaja nije dostavljalo obavještenja o navedenoj presudi za Petu (22.12.2022. godine), Šestu (13.07.2023. godine), Sedmu informaciju (28.12.2023. godine), Osmu informaciju (12.07.2024. godine), Devetu informaciju (30.12.2024. godine), Desetu informaciju (07.08.2025. godine), Jedanaestu informaciju (19.02.2026. godine) i Dvanaestu informaciju.

2. U presudama Ustavnog suda Federacije Bosne i Hercegovine:

U – 14/09, Rješenje o neizvršenju 24.05.2011. godine,

U – 18/09, Rješenje o neizvršenju 22.02.2011. godine,

U – 21/09, Rješenje o neizvršenju 06.03.2012. godine,

U – 21/09 Dopunska presuda,

U – 32/10, Rješenje o neizvršenju 24.05.2011. godine,

utvrđena je povreda prava na lokalnu samoupravu jedinica lokalne samouprave od strane Kantona Sarajevo, u odnosu na različite propise.

Implementacija navedenih presuda zavisi od donošenja Zakona o lokalnoj samoupravi shodno Zakonu o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine”, broj 49/06 i 51/09).

2. Preporuka P-43/22N

Napomena:

U Četvrtoj informaciji o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, navedena je preporuka Institucije ombudsmena za ljudska prava, broj: P-43/22 od 10.02.2022. godine, a u vezi sa žalbama (anonimna i gđa [REDACTED]), a koja se odnosi na razmatranje mogućnosti izmjene Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, a kako bi rješenja sadržana u istoj vodila objektivnijem vrednovanju svih kandidata prilikom zapošljavanja. Ministarstvo za boračka pitanja je u navedenom roku dostavilo izjašnjenje Instituciji ombudsmena za ljudska prava u kojem je navedeno da će se pristupiti izmjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (“Službene novine Kantona Sarajevo”, broj 37/20 i 27/21), nakon što se usvoji tekst novog Zakona o dopunskim pravima boraca-branitelja koji je trenutno u Nacrtu.

Napominjemo da je Skupština Kantona Sarajevo, na 54. Radnoj sjednici održanoj 27.07.2022. godine donijela Zakon o dopunskim pravima boraca-branitelja Bosne i Hercegovine (“Službene novine Kantona Sarajevo”, broj 31/22), a na 14. radnoj sjednici održanoj 26.02.2024. godine Zakon o izmjenama i dopunama Zakona o dopunskim pravima boraca-branitelja Bosne i Hercegovine (“Službene novine Kantona Sarajevo”, broj 8/24), a Ministarstvo za boračka pitanja je u obavijesti koju je dostavilo ovom ministarstvu, broj: 06-04-41915/25 od 15.08.2025. godine navelo, da su, u smislu aktivnosti na provođenju navedene preporuke Institucije Ombudsmena za ljudska prava Bosne i Hercegovine, u toku aktivnosti na izradi teksta Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21). Ministarstvo za boračka pitanja nije dostavljalo obavještenja o aktivnostima na implementaciji navedene preporuke za Dvanaestu informaciju.

3. Odluka Ustavnog suda Bosne i Hercegovine U-7/24

U Devetoj informaciji o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, navedena je Odluka o dopustivosti i meritumu Ustavnog suda Bosne i Hercegovine



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-083, Fax: + 387 (0) 33 562-241

Web: <http://mpu.ks.gov.ba>, E-mail: mpu@mpu.ks.gov.ba

broj U-7/24 od 19.09.2024. godine kojom je naloženo Skupštini Kantona Sarajevo, u skladu sa članom 61. stav (4) Pravila Ustavnog suda Bosne i Hercegovine, da najkasnije u roku od šest mjeseci od dana objavljivanja ove odluke u „Službenom glasniku Bosne i Hercegovine“ izmijeni Zakon o plaćama i naknadama u organima vlasti Kantona Sarajevo („Službene novine Kantona Sarajevo“ br. 5/19 i 40/22) u odnosu na sudske stručne saradnike u Kantonalnom sudu u Sarajevu koji su raspoređeni u sudska odjeljenja i obavljaju najsloženije poslove iz osnovne djelatnosti suda, u skladu s odredbama člana II/4. Ustava Bosne i Hercegovine i člana 1. Protokola broj 12 uz Evropsku konvenciju za zaštitu ljudskih prava i osnovnih sloboda.

S tim u vezi ističemo da je Ustavni sud Bosne i Hercegovine odlučujući o zahtjevu Općinskog suda u Sarajevu za ocjenu ustavnosti člana 20. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12, 20/17, 22/19 i 94/20), donio Odluku o dopustivosti i meritumu U-12/23 kojom se utvrđuje da član 20. Zakona o plaćama i naknadama u organima vlasti Federacije Bosne i Hercegovine, u dijelu IV u alineji kojom je propisano „stručni sudski savjetnici u Vrhovnom sudu Federacije“, nije u skladu sa članom II/4. Ustava Bosne i Hercegovine, članom 1. Protokola broj 12 uz Evropsku konvenciju za zaštitu ljudskih prava i osnovnih sloboda i članom 26. Međunarodnog pakta o građanskim i političkim pravima. Ovom Odlukom naloženo je Parlamentu Federacije Bosne i Hercegovine da, u skladu sa članom 61. stav (4) Pravila Ustavnog suda Bosne i Hercegovine, najkasnije u roku od šest mjeseci od dana objavljivanja ove odluke u „Službenom glasniku Bosne i Hercegovine“ izmijeni relevantne zakonske odredbe kojim bi se sudskim stručnim savjetnicima u Vrhovnom sudu Federacije Bosne i Hercegovine propisalo pravo na godišnje korigiranje osnovne mjesečne plaće za procent povećanja prosječne mjesečne neto plaće u Bosni i Hercegovini, u skladu s odredbama člana II/4. Ustava Bosne i Hercegovine, člana 1. Protokola broj 12 uz Evropsku konvenciju za zaštitu ljudskih prava i osnovnih sloboda i člana 26. Međunarodnog pakta o građanskim i političkim pravima.

Imajući u vidu potrebu da propisi na svim nivoima vlasti u Federaciji Bosne i Hercegovine budu harmonizovani sa Zakonom o plaćama i naknadama u organima vlasti Federacije Bosne i Hercegovine, Ministarstvo pravde i uprave je uputilo Federalnom ministarstvu pravde zahtjev za dostavljanje informacije o aktivnostima vezanim za izmjene i dopune Zakona o plaćama i naknadama u organima vlasti Federacije Bosne i Hercegovine, a kako bi moglo planirati svoje aktivnosti koje će u narednom periodu preduzeti na izradi nacrtu Zakona o izmjenama i dopunama Zakona o plaćama i naknadama u organima vlasti Kantona Sarajevo („Službene novine Kantona Sarajevo“, br. 5/19 i 40/22) u cilju implementacije Odluke Ustavnog suda Bosne i Hercegovine U-7/24. Ministarstvo pravde i uprave je zaprimilo Informaciju Federalnog ministarstva pravde, broj: 03-45-3743/24 od 20.12.2024. godine u kojoj je navedeno da je u cilju implementacije Odluke Ustavnog suda Bosne i Hercegovine U-12/23 od 28.09.2023. godine pripremilo Nacrt Zakona o izmjeni Zakona o plaćama i naknadama u organima vlasti Federacije Bosne i Hercegovine i Nacrt Zakona o plaćama i drugim naknadama sudija i tužilaca u Federaciji Bosne i Hercegovine te da će po pribavljanju potrebnih mišljenja, navedene nacрте uputiti Vladi Federacije Bosne i Hercegovine u proceduru.

Uvidom u sadržaj objavljen na službenoj veb stranici Vlade Federacije Bosne i Hercegovine, uočeno je da je na 54. sjednici održanoj 12.05.2025. godine Vlada Federacije Bosne i Hercegovine utvrdila Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine, kao i Prijedlog Zakona o izmjeni Zakona o plaćama i naknadama u organima vlasti Federacije Bosne i Hercegovine, te da je oba prijedloga uputila u parlamentarnu proceduru po skraćenom postupku. U obrazloženjima prijedloga navedenih zakona Vlada Federacije Bosne i Hercegovine je kao razlog za donošenje istih navela provođenje Odluke Ustavnog suda Bosne i Hercegovine o dopustivosti i meritumu, broj U-12/23.

Analizom pravnih rješenja sadržanih u Prijedlogu Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine, kao i Prijedlogu Zakona o izmjeni Zakona o plaćama i naknadama u organima vlasti Federacije Bosne i Hercegovine, utvrđeno je da izmjene, odnosno dopune navedenih zakona nisu predviđene tako da bi omogućile Kantonu Sarajevo da implementira Odluku o dopustivosti i meritumu broj U-7/24 na način kako je to Ustavni sud u ovoj odluci naveo. Shodno naprijed iznesenom, a cijeneći značaj rješavanja pitanja pravnog položaja stručnih saradnika i savjetnika u pravosudnim institucijama, u skladu s principima jednakosti, pravne sigurnosti i obaveznosti odluka Ustavnog suda Bosne i Hercegovine Ministarstvo pravde i uprave sačinilo je Informaciju broj: 03-04-05-46647-4/25 od 02.06.2025. godine, o pitanjima vezanim za implementaciju Odluke Ustavnog suda Bosne i Hercegovine o dopustivosti i meritumu, broj: U-7/24 od 19.09.2024. godine, koju je Vlada Kantona Sarajevo prihvatila na 79. sjednici održanoj 11.06.2025. godine Zaključkom broj: 02-04-32510-29/25, te je istu uputila Vladi Federacije Bosne i Hercegovine i Federalnom ministarstvu pravde.

Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine, kao i Prijedlog Zakona o izmjeni Zakona o plaćama i naknadama u organima vlasti Federacije Bosne i Hercegovine bili su na dnevnom redu 23. redovne sjednice Predstavničkog doma Parlamenta Federacije Bosne i Hercegovine održane 23.07.20225. godine, te isti nisu usvojeni.

S obzirom da je Ustavni sud Bosne i Hercegovine na sjednici održanoj 02.jula 2026. godine donio Rješenje o neizvršenju Odluke Ustavnog suda Bosne i Hercegovine broj: U-7/24, kao i da gore navedene federalne zakonodavne aktivnosti nisu okončane donošenjem zakona, Ministarstvo je pristupilo pripremi nacrtu Zakona o izmjenama i dopunama Zakona o plaćama i naknadama u organima vlasti Kantona Sarajevo. Nacrtom Zakona o izmjenama i dopunama Zakona o plaćama i naknadama u organima vlasti Kantona Sarajevo predviđeno je da se sudski stručni saradnik u Kantonalnom sudu u Sarajevu, uz zadržavanje statusa državnog službenika, izuzme iz općeg sistema utvrđivanja osnovne plaće putem platnog razreda, osnovice, boda i koeficijenta, te da mu se kantonalnim zakonom utvrdi nominalna osnovna mjesečna plaća, posebno uvećanje po osnovu radnog staža i poseban mehanizam godišnjeg korigiranja osnovne mjesečne plaće prema procentu povećanja prosječne mjesečne neto plaće u Bosni i Hercegovini. Predloženo rješenje ne mijenja federalno utvrđeni status sudskih stručnih saradnika niti može nadomjestiti potrebno uređenje njihovog statusa i platnog režima na nivou Federacije Bosne i Hercegovine. Navedeni nacrt Zakona je dostavljen na mišljenja Uredu za zakonodavstvo, Ministarstvu finansija i sindikatima.

4. Preporuka P-89/25

U Jedanaestoj informaciji o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, navodi se Preporuka Institucije ombudsmena za ljudska prava Bosne i Hercegovine data Ministarstvu privrede, broj: 89/25 od 10.04.2025. godine, te je navedeno da je Ministarstvo privrede je odgovorilo aktom, broj: 07-03-04-17645-2/25 od 11.06.2025. godine sa navođenjem da je po istom pitanju već pokrenut upravni spor pred Kantonalnim sudom u Sarajevu, te da je postupanje po navedenoj Preporuci moguće nakon okončanja sudskog postupka. Ministarstvo privrede nije dostavljalo obavijesti vezane za postupanje po ovoj Preporuci u periodu na koji se odnosi Dvanaesta informacija.

5. Odluka Ustavnog suda Bosne i Hercegovine AP-4447/24 od 10.07.2025. godine

U Jedanaestoj informaciji navodi se Odluka Ustavnog suda Bosne i Hercegovine AP-4447/24 od 10.07.2025. godine. Ministarstvo za rad, socijalnu politiku, raseljena lica i izbjeglice je tada navelo



da je Odluku Ustavnog suda Bosne i Hercegovine, broj: AP-4447/24 od 10.07.2025. godine dostavilo, na nadležno postupanje, Javnoj ustanovi „Kantonalni centar za socijalni rad“ jer se istom nalažu određene obaveze ovoj ustanovi. Ista je dostavljena i Udruženju „Vaša prava“ kao pravnom zastupniku apelanta B.K. Također, Presuda je, na nadležno postupanje, dostavljena Ministarstvu finansija Kantona Sarajevo jer iz iste proizilaze finansijske obaveze Kantona Sarajeva prema apelantu B.K. U periodu koji se odnosi na izradu Dvanaeste informacije Ministarstvo za rad, socijalnu politiku, raseljena lica i izbjeglice nije dostavljalo obavještenja vezano za dalje postupanje na implementaciji ove Odluke Ustavnog suda Bosne i Hercegovine.

6. Preporuka P-226/25

U Jedanaestoj informaciji navodi se Preporuka Institucije ombudsmena za ljudska prava Bosne i Hercegovine, broj: P-226/25 u vezi sa žalbom [REDACTED], kojom se daje preporuka ministrici za rad, socijalnu politiku, raseljena lica i izbjeglice Kantona Sarajevo da, o realizaciji iste, obavijesti Ombudsmena za ljudska prava Bosne i Hercegovine, u roku ne dužem od 30 dana od dana prijema Preporuke, te kako je Preporuka zaprimljena u Ministarstvo za rad, socijalnu politiku, raseljena lica i izbjeglice Kantona Sarajevo 11.08.2025. godine, to još uvijek nije istekao rok za postupanje o istoj i obavještenje Ombudsmena. U periodu koji se odnosi na izradu Dvanaeste informacije, Ministarstvo za rad, socijalnu politiku, raseljena lica i izbjeglice nije dostavljalo obavještenja vezano za dalje postupanje na implementaciji ove Preporuke Institucije ombudsmena za ljudska prava Bosne i Hercegovine.

S poštovanjem,

[REDACTED] A

Darja Softić Kadenić

Dostaviti:

1. Naslovu;
2. a/a

